

土築，城中隆窪不一，皆爲古時房屋建築之遺迹。城中滿布紅陶片，頗粗厚，且有壓紋青陶片，以此證明此城時代當較早。又有磨石等遺物，證明此城古時必爲墾殖區域。城東南隅有土墩一座，南亦有一土墩，與輪台、沙雅舊城形式相同，是此城與石壘及關塞均爲同一時期之物。即誦文中所述烏壘、關城皆劉平國永壽四年所作也。此城與石壘及關城均旁博者克拉格溝，相距約六十里，因山地不便建城，故建關於溝口，而建城於此也。此地已屬平灘，兼可種植，故在此建城，以便屯駐戍卒。如然，則誦文中之烏壘、關城，可得一明確之解釋，即溝口爲關，而此地爲關城矣（註七）。

余等考查烏壘及關城完後，即向克子爾首途。十一月二十八日上午九時半發自榆切大坂住處，向東南行，渡博者克拉格水，至明布拉克莊，一點四十分，抵明布拉額梗。此爲泉水，出明布拉克山，山在明布拉克莊西北，爲一小山，距刻字處約五十里，新疆訪古錄謂：「烏壘碑出明布拉克山」，非是，刻字處在喀拉克山東麓也。「明布拉克」，千泉之義，沿河兩岸泉眼棋布，據說尙不止千泉也。渡河即爲額特爾達格，橫互於明布拉克莊與特特爾莊之間。山北爲明布拉克莊，山南爲特特爾莊，岡巒起伏約五十里。二時，進額特爾山口，經行奇克里克額梗溝中南行，六時過可干，有舊時銅廠，轉西南行，岡巒戈壁，奇石嶙立，出山口轉西行，晚八時，抵特特爾村莊，住一維族家中。在特特爾村莊之北，距村里許，在額特爾達格南麓，有佛洞十餘。二十九日曾騎馬往視。佛洞多在山腰，綿延約里餘。中有一洞頗大，壁畫大尊佛像尙完好，其餘大半爲小洞，或已傾圮，或牆壁尙殘存，或爲沙土所掩。余等因急須赴克子爾，故在此處未有工作。下午一時十五分，發自特特爾莊，沿克子爾河西南行，旋轉南行，二時二十分進克子爾莊。莊戶櫛比，田畝相續。地爲紅土質，房屋牆壁皆用紅土所築，故呈紅色，克子爾亦即紅色之義，蓋爲莊名所自出。博者克拉格水經行克子爾莊東南，以經行之地名水，故名克子爾河。水極清澈，並非紅水，與喀什噶爾之克子爾河以水色紅，故名克子爾河異。由村中轉東南行，抵克子爾河畔。河寬里許，水流頗激，底爲頑石，河上架橋以渡行人。過橋轉東南行，過克子爾巴雜，轉南偏東行，穿行明屋達格，下山即克子爾河與木札特河匯流處。復沿河東行，八時二十分抵維族梯米爾家中住焉。此地有居民四家，墾地種殖，唯梯米爾曾隨萊柯克到吐魯番工作，與汗木多利熟識，余住其家中，亦由汗木多利之介紹也。

（二） 克子爾明屋之工作

克子爾明屋（新疆圖志稱爲赫色勒千佛洞）爲新疆有名之佛教遺址，屬拜城縣。在克子爾巴雜之南約二十餘里，濱木札特河北岸。有克子爾河，經行克子爾巴雜，南流至麻札和卓，與自西來之木札特河匯流東逝，約二十餘里，經行於千佛洞之南，